



COMUNA DE LODÈ

Provìntzia de Nùgoro

DELIBERATZIONE DE SU CUSSÌGIU CUMONALEN. 18

de su 28 de Maju de su 2021

OGETU:

PROMOTZIONE DE SU BILINGUISMU E S'ÒPITU DE SU SARDU IN SA COMUNA DE LODÈ

S'annu duamìgiabintinu, su bintioto de su mese de maju a sas chimbe e barantachimbe de borta de die in sa sala consiliare de sa Comuna de Lodè, cunvocado dae su Sindigu cun avisos iscritos mandados cunforma a sa lege, su Cussìgiu Cumonale s'est riunidu in sessione Ordinària e in setziada serrada a su pùblicu in custas pessones:

Sambenadu e Nùmene	Presente
1. CANU ANTONELLA - Sindica	Emmo
2. SERRA SAMUELE - Cussigieri	Emmo
3. CALVISI LOREDANA MARIA - Cussigiera	Emmo
4. FARRIS PINO - Cussigieri	Emmo
5. CANU GIOVANNI - Cussigieri	Nono
6. FARRIS MARCO - Cussigieri	Emmo
7. PIRAS MICHELA MARIA - Cussigiera	Emmo
8. TOLU ANDREA - Cussigieri	Emmo
9. SANNA GIUSEPPE - Cussigieri	Emmo
10. CONTU LOREDANA - Cussigiera	Emmo
11. CANU JESSICA - Cussigiera	Emmo
12. NANU FABRIZIO - Cussigieri	Nono
13. MELE PIERA - Cussigiera	Nono
	Totale Presentes: 10
	Totale Assentes: 3

Cun s'interventu e s'òpera de sa Segretària Cumonale DUTORA DELEDDA GRAZIELLA, chi providet a iscrìere custu verbale

Sende chi su nùmeru de sos intervènnidos est legale, sa Sindica DUTORA CANU ANTONELLA, assumet sa Presidèntzia e deccarat aberta sa setziada pro allegare de s'ogetu indicatu in subra.

SU CUSSÌGIU CUMONALE

BIDA sa proposta de su Cussìgiu Cumonale n° 22 de su 24.05.2021 cun ogetu “PROMOTZIONE DE SU BILINGUISMU E S’ÒPITU DE SU SARDU IN SA COMUNA DE LODÈ”;

PREMÌTIDU CHI:

- acumprimentu de s’amministratzione cumonale est a favorèssere sa crèschida tzivile e sotziale de su territòriu, a promòvere e a avalorare sa cultura in totus sas espressiones suas e in totus sas iniziativas chi contribuunt a sa crèschida de sa comunidade, de sas istituzione e de sos sòtzios democràticos;
- custa Amministratzione est impinnada in sa realizatzione de progetos e manifestatziones chi punnant a s’isvilupu sòtziu-econòmicu e a sa valorizatzione de su territòriu pro su chi pertocat su patrimoniu istòricu e culturale;
- in s’àmbitu de sas iniziativas chi punnant a avalorare su patrimoniu culturale, torrat fintzas sa de sa promotzione e valorizatzione de sa limba sarda;
- s’Amministratzione Comunale, duncas, reconnoschet e promovet su bilinguismu e s’ispartzinadura capillare de sa limba e cultura sarda, e pro custa punna, dae paritzos annos, at aderidu a diversos progetos pro s’impreu de sa limba sarda;
- s’Amministratzione Cumonale leat s’identidade linguistica de su pòpulu sardu che a bene primàrgiu e individuatu in s’afirmadura sua sa cundizione de cada progressu personale e sotziale;
- sa limba sarda, su catalanu de s’Alighera, su gadduresu, su tataresu e su tabarchinu, sunt parte de su patrimoniu culturale immateriale de sa Sardigna, e sas Amministratziones Cumonales adotant onni mèdiu ùtile a sa tutela, valorizatzione, promotzione e ispartzinadura issoro;
- cun sa Lege de su 15 de nadale de su 1999 n° 482 “Normas in matèria de tutela de sas minorias linguìsticas isticas”, cun su D.P.R. n° 345 de su 02.05.2001 “Regulamentu de sa L. 482/99”, sa Lege regionale de su 15 de santugaine de su 1997 n° 26 “Promotzione e valorizatzione de sa cultura e de sa limba de sa Sardigna” e sa Lege regionale rechente de su 3 de triulas de su 2018 n° 22 “Disciplina de sa polìtica linguìstica regionale” e cun sa “Carta Europea pro sas limbas regionales e minoritàrias de su 05.11.1992, si tutelant sa limba e sa cultura de sa minorias linguìsticas e intre de custas su sardu;
- sa Provintzia de Nùgoro, cun delibera de su Cussìgiu Provintziale n° 58 de su 15.06.2001 e n° 158 de su 16.12.2003 at provididu, cunforma a cantu prevididu dae s’art. 3 de sa Lege 482/99, a delimitare s’àmbitu territoriale de aplicatzione de custa lege, tenende contu siat de sa rechesta formale de sas Comunas interessadas siat de sos motivos ènicos, linguìsticos e istòricos de sas popolatziones chi istant in custu àmbitu territoriale;

AMMENTADA sa normativa pro su chi pertocat sas minorias linguìsticas e, mescamente sa Carta Europea pro sas limbas regionales e minoritàrias de su 1992, sa Lege de su 15 de nadale de su 1999 n° 482 (Normas in matèria de tutela de sas minorias linguìsticas istòricas), sa Lege regionale de su 15 de santugaine de su 1997 n° 26 (Promotzione e valorizatzione de sa cultura e de sa limba de sa Sardigna) e sa Lege regionale rechente de su 3 de triulas de su 2018 n° 22 (Disciplina de sa polìtica linguìstica regionale);

BIDA sa deliberatzione de sa Regione Autònoma de sa Sardigna n° 16/14 de su 18/04/2006 (Limba Sarda Comuna. Adotzione de sas normas de riferimentu a caràtere isperimentale pro sa limba iscritta in essida de s’Amministratzione regionale);

BIDU su pranu de polìtica linguìstica regionale 2020/2024 della L.R. su 3 de triulas 2018 n° 22 – XVI Legislatura – allegatu al sa Deliberatzione de sa G.R. n° 34/16 del su 07.07.2020;

PIGADU ATU chi sas Amministratziones locales cuncurrent a sas punnas prevididas dae sa Lege regionale de su 3 de triulas de su 2018 n^u 22 (Disciplina de sa politica linguistica regionale) e a s'atuatzione, cunforma a sas modalidades prevididas dae su capu II, de sos articulos 9 e 15 de sa Lege n^u 482/99;

BIDU chi sa Lege n^u 482/99 previdet chi sos cumponentes de sos Cussìgios Cumonales potzant opitare, in s'atividade amministrativa de sos organismos matessis, sa limba sarda;

VALUTADU chi sas amministratziones locales podent ativare collaboratziones cun àteras amministratziones pùblicas presentes in su territòriu, cun sos organismos privados de sos cales in s'articulu 25 de sa lege regionale n^u 22/2018 e cun istitutziones pùblicas e privadas, natzionales e internatzionale, cun sa punna de ispartzinare s'impreu de sa limba sarda, de su catalanu de S'Alighera, de su tataresu, de su gadduresu e de su tabarchinu in àmbitu pùblichu e privadu.

CUNSIDERADU chi sas Amministratziones locales depent adeguare sos istatutos pròpios e sos regulamentos a sos printzìpios de sa Lege n^u 482/1999 e a sa Lege Regionale n^u 22/2018

CUNSIDERADU in prus chi sa limba no est petzi s'elementu fundante de s'identidade de unu pòpulu, est s'infrastrutura immateriale sua prus de importu e contribuit a formare sa cussèntzia de appartenèntzia a sa comunidade;

CUNFIRMADA, pro custu, sa voluntade de promòvere e tutelare, fintzas pro mèdiu de s'impreu de sa limba sarda in sas setziadas de su Cussìgiu Cumonale e in sas relatziones cun su pùblichu e intre sos collegas de sos ufitzios cumonales;

RITÈNNIDU pretzisu a dispònneru, pro nd'immanire sa connoschèntzia e sa valorizatzione, s'òpitu de sa limba sarda in sos atos amministrativos, in sas setziadas de su Cussìgiu Cumonale, in sos raportos cun su pùblichu e cun sos collegas de s'ente locale;

VALUTADU a manera positiva s'efetu potenziale de sas iniciativas mentovadas pro sa crèschida culturale e sotziale de sa comunidade;

CUNSIDERADAS sas oportunitades chi derivant dae sa valorizatzione de sa limba pròpia e de su patrimoniu culturale;

CHI sos servìtzios linguisticos sunt unu mèdiu de sas atziones e de sos materiales de òpitu generale chi depent, in prus, ideare e ammanizare totu sos materiales netzessàrios pro assicurare un'òpitu efetivu de su sardu in s'àmbitu pròpiu, dae s'anàgrafe, a sos traballos de sos àteros ufitzios, de su Cussìgiu Cumonale, de sos Assessorados e fintzas de su raportu cun su pùblichu e sos tzitadinos, toponomastica, signalètica, modulistica e gai a s'ighire

CUNCORDADU FINTZAS CHI, pro s'impreu de su sardu in sas setziadas de su Cussìgiu Cumonale e in sas relatziones cun su pùblichu non b'at gastu perunu prevididu pro su comintzu de su progetu;

BIDOS sos artt. 107, comma 3, 109 comma 2, 183 e 191 de su testu ùnicu de sas leges subra de s'ordinamentu de sas autonomias locales aprovalu cun su D.Lgs. de 18 de austu de 2000, nu 267

BIDU s'Istatutu Cumonale;

Totu custu premitidu, ritènnidu, cunsideradu e averiguadu

Cun votu in favore e unànime espressadu in sas maneras e in sas formas de lege

DELÌBERAT

Chi sa premissa iscritta inoghe est parte integrante e sustanziale de custu provedimentu;

1. **De incaminare** unu percursu pro chi sa Sìnica s'impinnet a comintzare onzi setziada de su Cussìgiu Cumonale in sardu;
2. **Chi** su Cussìgiu Cumonale s'impignat, pro mèdiu de su chi retenet prus oportunu (cunventiones cun sas Universidades, ativatzones de Isportellos Linguísticos e àteru) a publicare in s'albu pretòriu istituzionale sas delìberas de sa Giunta e de su Cussìgiu in limba sarda e in limba italiana;
3. **Chi** sos traballadores de sa Comuna de Lodè s'impinnet a opitare, cando serbit, sa limba sarda in sas relatziones cun su pùblicu e cun sos collegas de s'ente
4. **Chi** s'Istatutu e su Regulamentu pro su funtzionamentu de su Cussìgiu Cumonale, si b'at bisòngiu, siant adatados
5. **De decrarare**, cun votazione favorevole e unanime espressada in sas maneras e in sas formas de lege, custu provedimentu eseguibile deretu, cunforma a s'art. 134, comma 4, de su Decretu Legislativu de su 18 de austu de su 200, n° 267 , chi pertocat “Testu ùnicu de sas leges de s'ordinamentu de sos entes locales”

Lodè, su 28.05.2021

Sa Segretària Cumonale
f.tu Dutora Graziella Deledda